

Ս. Վարդանյան	Կանանց իրավունքների կենտրոն՝ հասարակական կազմակերպության նախագահ
Է. Վիրապյան	ՀՀ աշխատանքի և սոցիալական հարցերի նախարարության աշխատակազմի ընտանիքի, կանանց և երեխաների հիմնահարցերի, կանանց հիմնահարցերի բաժնի գլխավոր մասնագետ /հրավիրյալ/
Ա. Թանաշյան	ՀՀ աշխատանքի և սոցիալական հարցերի նախարարության աշխատակազմի ընտանիքի, կանանց և երեխաների հիմնահարցերի վարչության պետի տեղակալ, կանանց հիմնահարցերի բաժնի պետ <i>(հանձնաժողովի քարտուղար)</i>

Հանձնաժողովի նիստը բացեց ՀՀ աշխատանքի և սոցիալական հարցերի նախարարի տեղակալ, հանձնաժողովի նախագահ **Յ. Քերիկյանը** և հանձնաժողովի անդամներին ներկայացրեց նիստի օրակարգը, որից հետո, ըստ աշխատակարգի, խոսքը փոխանցեց հանձնաժողովի քարտուղար **Ա. Թանաշյանին՝** ներկայացնելու համար նախորդ նիստում կայացված որոշումների կատարման ընթացքը և բացթողումները:

Ա. Թանաշյանը N1 արձանագրության որոշման 1, 2 և 3 կետերի կատարման մասին զեկուցեց.

1. մշակվել և հանձնաժողովի անդամներին է ներկայացվել աշխատանքային խմբեր ստեղծելու մասին N1 որոշման նախագիծը: Նա տեղեկացրեց, որ, առաջին աշխատանքային խմբի կողմից արդեն մշակվել և հանձնաժողովին է ներկայացվել «Գենդերային բռնության դեմ պայքարի միջգերատեսչական հանձնաժողովի աշխատակարգի» նախագիծը: Նա ներկայացրեց երկրորդ՝ Հայաստանում գենդերային բռնության վերացման 2011-2014թթ. ազգային ծրագրի նախագիծը մշակող աշխատանքային խմբի ստեղծման սկզբունքը և մտտեցումները և առաջարկեց հանձնաժողովի նախագահին քվեարկության դնել N1 որոշման նախագիծը:

2. սահմանված 10-օրյա ժամկետում տեղական և միջազգային կազմակերպություններից իրենց կողմից իրականացվող և առաջիկա ծրագրերի, ինչպես նաև առկա խոչընդոտների մասին տեղեկատվություն են ներկայացրել միայն 3-ը՝ ՄԱԿ-ի փախստականների գերագույն հանձնակատարի գրասենյակի իրավաբանական բաժնի աշխատող **Ս. Գրիգորյանը**, ԵԱՀԿ Երևանի գրասենյակի ժողովրդավարության զարգացման ծրագրի ավագ օգնական **Ս. Հարությունյանը** և ՄԱԿԶԾ-ի ժողովրդավարական կառավարման և գենդերային հարցերով պատասխանատու **Ա. Հովհաննիսյանը**, ընդ որում, վերջինս տեղեկատվությունը ներկայացրել է անգլերեն լեզվով, ինչն անընդունելի է, հաշվի առնելով հանձնաժողովի կարգավիճակը: Ա. Թանաշյանն առաջարկեց երկարաձգել տեղեկատվություն ներկայացնելու ժամկետը, հաշվի առնելով խնդրի կայսրությունը:

3. նիստերին վերբերվող գրագրությունն իրականացվել էլեկտրոնային փոստի միջոցով, որը չնայած արդյունավետ է, սակայն որոշ աշխատանքային կարգապահական

խոչընդոտներ է առաջացնում պետական կառավարման մարմինների ներկայացուցիչների համար և առաջարկեց նիստերի հրավերները վերջիններիս ուղարկել պաշտոնական գրություններով:

Ֆ. Քերիկյանն առաջարկեց անցել հաջորդ հարցին, որից հետո քվերակության դնել N1 որոշման նախագիծը և ««Գենդերային բռնության դեմ պայքարի միջգերատեսչական հանձնաժողովի աշխատակարգի»» նախագիծը:

Օրակարգի 2-րդ հարցի կապակցությամբ ելույթ ունեցավ ՀՀ Կառավարության աշխատակազմի սոցիալական վարչության գլխավոր մասնագետ Տ. Հարությունյանը: Նա ներկայացրեց ««Գենդերային բռնության դեմ պայքարի միջգերատեսչական հանձնաժողովի աշխատակարգի»» նախագիծը, դրանով սահմանված նպատակը և հիմնական խնդիրները, հանձնաժողովի աշխատանքների կազմակերպումը, ինչպես նաև հանձնաժողովի նախագահի, անդամների և քարտուղարի իրավասությունները: Տ. Հարությունյանը նշեց նաև, որ աշխատակարգը հաստատվելու է ՀՀ վարչապետի համապատասխան որոշմամբ և հանձնաժողովի կողմից հավանության արժանանալու դեպում այն սահմանված կարգով չրվելու է շրջանառության մեջ:

Ֆ. Քերիկյանը դիմեց հանձնաժողովի անդամներին ներկայացնելու իրենց առաջարկությունները և առարկությունները ներկայացված նախագծի վերաբերյալ: ՄԱԿ-ի Բնակչության հիմնադրամի ներկայացուցչի տեղակալի պաշտոնակատար Ա.Ղազարյանն առաջարկեց վերանայել հանձնաժողովի արձանագրությունների կազման գործընթացը, մասնավորապես, դրանց հանձնաժողովի նախագահի կողմից ստորագրելուց առաջ ներկայացնել հանձնաժողովի անդամների կարծիքին: Դրան ի պատասխան Տ. Հարությունյանը հայտնեց, որ պետական կառավարման համակարգում նման պրակտիկա չկա:

ՀՀ տարածքային կառավարման նախարարության աշխատակազմի տարածքային կառավարման և զարգացման վարչության վերահսկողության բաժնի պետ Յ. Խաչատրյանն առաջարկեց լրամշակել աշխատակարգի 1-ին կետը՝ դրույթում ներառելով նախագծով սահմանվող բոլոր հարցերը:

Ֆ. Քերիկյանն առաջարկեց ընդհանուր առմամբ հավանություն տալ աշխատակարգի նախագծին, մինչև ս/թ. հունիսի 22-ը գրավոր առաջարկներ ներկայացնել աշխատանքային խմբին և լրամշակելուց հետո այն սահմանված կարգով դնել շրջանառության մեջ:

Այնուհետև նա առաջարկեց քննարկել օրակարգի 1-ին կետով ներկայացված N1 որոշման նախագիծը:

Կանանց իրավունքների կենտրոն՝ հասարակական կազմակերպության նախագահ Ս.Վարդանյանն առաջարկեց իրեն ևս ներգրավել Հայաստանում գենդերային բռնության վերացման 2011-2014թթ. ազգային ծրագրի նախագիծը մշակող աշխատանքային խմբի կազմում, հաշվի առնելով ոլորտում իրենց կազմակերպության ունեցած փորձը:

Ֆ. Քերիկյանը կարևորեց ՀԿ-սեկտորի ներկայացվածության հարցը և հավանություն տվեց առաջարկին:

Տ. Հարությունյանը ևս հանավություն տվեց ՀԿ-սեկտորի աշխատանքային խմբում հավասարակշռված ներկայացվածության հարցին:

Հանձնաժողովի անդամները, մասնավորապես, Ա. Թանաշյանը և Ջ. Սազիզովան անդրադարձան աշխատանքային խմբի ստեղծման, անդամների ընտրության և քանակի հարցերին:

Ֆ. Բերիկյանն առաջարկեց Ս.Վարդանյանին ներգրավել աշխատանքային խմբում և քվեարկել համալրված կազմը: Հանձնաժողովը առաջարկը քվեարկեց միաձայն:

Օրակարգի 3-րդ՝ «Ոլորտում իրականացված վերջին ժամանակների միջոցառումները» հարցի կապակցությամբ ելույթ ունեցավ Ջ. Սարգիզովան: Նա ներկայացրեց ՄԱԿ-ի Բնակչության հիմնադրամի Ընդդեմ գենդերային բռնության Հարավային Կովկասում ծրագրի շրջանակներում վերջերս ստեղծված վեբ կայքը (www.genderbasedviolence.am): Այն ունի բովանդակալից և տեղեկատվական հարուստ ցանկ, որն ապահովում է ընդհանուր տեղեկատվություն գենդերային բռնության և հետազոտությունների, իրազեկության բարձրացման և կարողությունների զարգացմանն ուղղված ծրագրի բաղադրիչների վերաբերյալ: Վեբ կայքն ունի նաև համակարգման և համագործակցության ենթաբաժիններ և նրանում հղում է արվում ինչպես Ընդդեմ գենդերային բռնության Հարավային Կովկասում ծրագրի ռեզիուսալ, այնպես էլ Վրաստանի և Ադրբեջանի ազգային կայքերին:

Հանձնաժողովի անդամները բարձր գնահատեցին կատարված աշխատանքը, իսկ Տ. Հարությունյանն առաջարկեց նմանատիպ հազորդումները դարձնել ավանդույթ և հանձնաժողովի առաջիկա նիստերում հնարավորություն տալ անդամներին ներկայացնելու ոլորտի ձեռքբերումները:

Հանձնաժողովը որոշեց՝

1. հավանություն տալ «Գենդերային բռնության դեմ պայքարի միջգերատեսչական հանձնաժողովի աշխատակարգի» նախագծին, մինչև ա/թ. հունիսի 22-ը գրավոր առաջարկներ ներկայացնել աշխատանքային խմբին և լրամշակելուց հետո այն սահմանված կարգով դնել շրջանառության մեջ:
2. հաստատել «Գենդերային բռնության դեմ պայքարի միջգերատեսչական հանձնաժողովի» N1 որոշման նախագծի լրամշակված տարբերակը (կցվում է):
3. հանձնաժողովի անդամ տեղական և միջազգային կազմակերպություններին՝ 10-օրյա ժամկետում հանձնաժողովի քարտուղարին ներկայացնել իրենց կողմից իրականացվող և առաջիկա ծրագրերի, ինչպես նաև առկա խոչընդոտների մասին հակիրճ տեղեկատվություն:

Հանձնաժողովի նախագահ՝

 Ֆ. Բերիկյան

Հանձնաժողովի քարտուղար՝

 Ա. Թանաշյան